



20 19 йил. « 16 » 04

№ 08-186

« ____ » ____ 20 ____ год.

**Ўзбекистон Республикаси Президентининг 2019 йил 8 апрелдаги
Ф–5465-сон фармойиши ижросини таъминлаш тўғрисида**

Ўзбекистон Республикаси Президентининг 2019 йил 8 апрелдаги “Ўзбекистон тараққиётининг янги босқичида миллий ғояни ривожлантириш концепциясини ишлаб чиқишга доир чора-тадбирлар тўғрисида” Ф–5465-сон фармойиши ижросини таъминлаш мақсадида

БУЮРАМАН:

1. Ўзбекистон Республикаси Президентининг 2019 йил 8 апрелдаги Ф–5465-сон фармойиши раҳбарлик ва ижро учун қабул қилинсин.

2. Фармойиш билан:

“Ўзбекистон тараққиётининг янги босқичида миллий ғояни ривожлантириш концепцияси” (кейинги ўринларда Концепция деб юритилади) лойиҳаси ишлаб чиқилиши;

Ўзбекистон тараққиётининг янги босқичида миллий ғояни ривожлантириш концепцияси лойиҳасини ишлаб чиқиш бўйича ишчи гуруҳ (кейинги ўринларда Ишчи гуруҳ деб юритилади) тасдиқланганлиги ҳамда Ишчи гуруҳнинг асосий вазифалари белгиланганлиги;

Давлат ва ҳуқуқ назарияси ва тарихи кафедраси профессори Ф.Мухитдинова Ишчи гуруҳ таркибига киритилганлиги инобатга олинсин.

3. Ёшлар билан ишлаш бўйича проректор Д.Умаров:

миллий ғоя тарғиботи жараёнида Ўзбекистон Республикасининг қонунлари, Ўзбекистон Республикаси Президентининг фармонлари, қарорлари ҳамда давлат дастурларининг аҳамиятини аҳолига, айниқса ёшларга тушунтириш, мамлакатимиз мустақиллигига раҳна соладиган экстремистик, террористик таҳдид ва бошқа ғоявий, информацион хуружлар

ва уларнинг ғаразли мақсад-муддаоларини узлуксиз фош этиб бориш, фуқароларни доимо хушёрлик ва огоҳликка даъват этиш;

миллий ғояни ривожлантириш мақсадида олиб бориладиган илмий-тадқиқот ишлари ва яратиладиган адабиётларда мамлакатимизнинг узок ва бой тарихи, маънавий меросини атрофлича таҳлил қилиш билан бирга, мустақиллик йилларида қўлга киритилган ютуқлар, Ватанга садоқат, юртимиз ободлиги, халқимиз фаровон турмушини таъминлаш, интеллектуал имкониятларни тўлиқ рўёбга чиқариш борасида амалга оширилаётган ибратли ишлар, Ўзбекистон ривожланиши ва тараққиётини таъминлаш мақсадида ишлаб чиқилган давлат дастурлари ҳамда тегишли чоратадбирларнинг мазмун-моҳиятини кенг ёритиш чораларини кўрсин.

4. Умумтаълим фанлар кафедраси (У.Абдурахмонов):

миллий ғояни ривожлантириш борасидаги илмий изланишларни олиб боришда, назарий тадқиқотларни амалга ошириш жараёнида ҳозирги даврнинг долзарб ғоявий-мафкуравий хусусияларидан келиб чиқсин;

мазкур фармойишдан ўқув жараёнида фойдаланиш бўйича зарур чораларни кўрсин.

5. Давлат ва ҳуқуқ назарияси ва тарихи кафедраси (Ш.Сайдуллаев)
Концепция лойиҳасини ишлаб чиқиш билан боғлиқ вазифаларни Ф.Мухитдинова томонидан ўз вақтида ва сифатли бажарилишини таъминласин.

6. Мазкур буйруқ бажарилишини назорат қилиш ёшлар билан ишлаш бўйича проректор Д.Умаров зиммасига юклансин.

Адлия вазири
ўринбосари – ректор

Е.Канъязов